

Ilanngussaq A



**Aningaasaqarnermut Akileraartarnermullu
Naalakkersuisoq
-/ Maani**

Assilineri: Inatsisartut ataatsimiititaliaat

Ulloq: 04. september 2017

J.nr.: 01.31.11-00017

Naalakkersuisut 2018-imi aningaasanut inatsisissatut siunnersuutaat

1. Aallarniut

Aningaasaqarnermut Akileraartarnermullu Ataatsimiititaliap 2018-imi aningaasanut inatsisissatut siunnersuummut aallarniutitut apeqquai oqaaseqaataalu matumuuna nassiunneqarput. Aningaasaqarnermut Akileraartarnermullu Ataatsimiititaliap 2017-imi augustimi Sisimiuni missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqutinut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

2. Oqaasertaliussat

3. Nalinginnaasumik nassuiaatit

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

3.1. Immikkoortoq 3.2, Kommunit aningaasaqarnerat aamma ataatsimoortumik tapiissutit, qupperneq 112

Qaleralinniarnermi ineriartorneq nunatta aningaasaqarneranut qanoq kinguneqartussatut naatsorsuutigineqarpa?

3.2. Immikkoortoq 3.5, EU-mik aalisarnermik isumaqatigiissut, qupperneq 115

Isumaqatigiinniarnertit tulliit qaqugu aallartittussatut naatsorsuutigineqarpat?

3.3. Immikkoortoq 3.6, EU-mik suleqatigiinnissamik isumaqatigiissut, qupperneq 116/117

Tuluit EU-mik aninissaat pillugu isumaqatigiinniarnertit nunatta EU-mut isumaqatigiissutaanut sunniuteqarsinnaanerat pillugu erseqqinnerusumik ilisimatinneqarnissaq ataatsimiititaliamit kissaatigineqarpoq.

3.4. Immikkoortoq 4, Naalakkersuisut iluarsartuusseqqinnerit suliniutillu pingaartitaat, qupperneq 117

Inissiaqarnermut tunngasut kommuninut tunniunneqarnissaat kommuninut oqaloqatiginissutigineqalerpat aningaasaliissutit malitsigisinnaasai Naalakkersuisunit qanoq takorluugaqarfineqarpat?

3.5. Immikkoortoq 4.2, Ineriartortitsinissaq anguniarlugu suliassat pingaarnersiukkat, qupperneq 119

Suliffeqarfiit sapinngisamik pitsaanerpaamik ilitsersorneqarnissaat siunnersorneqarnissaallu nukittorsarniarlugu suliniut nanginneqartoq Naalakkersuisut paasissutissiissutigaa. Tassunga atatillugu aallarnisaasunik ikiorsiisarnissamik aaqqissuussinissamik suliniuteqarneq aammalu aallarnisaasunut annikitsumik taarsigassarsisitsisarnissamik neqerooruteqartarnissamik suliaq taaneqarput. Naatsorsuusiornermut ilitsersorneqarnissamik neqerooruteqarnissaq Naalakkersuisunit ilanngullugu sulissutiginiarneqarnersoq paasissutissiissutigineqassasoq ataatsimiititaliamit kissaatigineqarpoq, taamaaliornikkut suliffeqarfiit mikinerit akileraarutissanik akit-suutinillu nalunaaruteqartarnerminnik akiliisarnerminnillu aqutsilluarneruleqqullugit.

3.6. Immikkoortoq 4.3, Mittarfinni attaveqaatit ataqatigiissut pilersinneqarnissaat aningaasaliiffigineqarnissaallu, qupperneq 119

- a) Kalaallit Airports A/S-ip nammineq aningaasaatai tamarmiusut 1 aamma 1,6 mia. kr.-it akornanniittussat naatsorsuutigineqartut Naalakkersuisut paasissutissiissutigaa. Tamanna ataatsimiititaliamit ima paasineqarpoq; nammineq aningaasaatigisassatut piomasagaatit ilaat 600 mio. kr.-it missaanniittut suli nalorninartut. Nammineq aningaasaatigisassatut piomasagaatit pillugit nalornineq aningaasanut inatsisissatut siunnersuutip saqqummiunneqarnerata kingorna Naalakkersuisut annikillissinnaasimanageraat paasissutissiissutigineqassasoq ataatsimiititaliamit kissaatigineqarpoq.
- b) Sanaartornerup aallartinneqannginneranni nammineq aningaasaatissat affaasa missaat pissarsiarineqareersimassasut Naalakkersuisut paasissutissiissutigaa. Taamaattumillu ataatsimiititaliap naatsorsutigisinnaavaa aallartinneqannginnissaq sioqqullugu 500 – 800 mio. kr.-it akornanniittut akiliutigineqassasut. Ataatsimiititaliap paasivaa manna tikillugu 294 mio. kr.-it akiliutigineqarsimasut. Tamatuma saniatigut nunatta karsiata 2016-imi sinneqartoortutai 211 mio. kr.-it aningaasaliissutigineqalersaarput. Taamaallunilu nammineq aningaasaatit minnerpaamik akiliutigineqartussatut piomasagaat anguneqassalluni. Tamanna tunngavigalugu sanaartornerup ukioq manna Naalakkersuisunit aallartinneqareernissaa ataatsimiititaliamit naatsorsuutigineqarsinnaava?
- c) Akerlianilli sanaartornerup aallartinneqarnissaanut 800 mio. kr.-it akiliutigineqarnissaat Naalakkersuisunit utaqqeqaarusunneqarpat 300 mio. kr.-it missaat amigatigineqassapput. 2017-imi 100 mio. kr.-it pissarsiarineqarsinnaassasut Naalakkersuisut naatsorsuutigaa, taakkunanga 50 mio. kr.-it Tele Greenlandimit pissarsiarineqassapput sinneruttullu 50 mio. kr.-it sanaartukkanut immikkoortitanit atugassisutigineqanngitsunit pissarsiarineqassallutik. Isertitaqarfinit aalajangersimasunit aningaasanik aalajangersimasunik, sanaartornerup aallartinneqarnissaata qulakkeerneqarnissaanut 200 mio. kr.-inik pissarsissutaasinnaasunik 2018-imi pissarsinissaq naatsorsuutigineqarsinnaanersoq Naalakkersuisunit maannangaq paasissutissiissutigineqarsinnaava?

3.7. Immikkoortoq 5.2, Ineriartornermik siuarsaaneq arlalinnillu tunngaveqartumik aningaasaqarnermut allanngortitsineq – aaqqissuusseqqinnermi malitassaq 2, qupperneq 124

- a) Sinaakkutitut atugassarititaasut pitsaanerusut pilersinniarlugit ”Pisortat-namminersortut suleqatigiinnerannut sinaakkutissat (OPP)” suliassaqarfinni arlalinni suliniutissatut

Naalakkersuisunit taaneqarpoq. Tamanna Naalakkersuisunit itisilerneqassasoq ataatsimiititaliamit kissaatigineqarpoq.

- b) Piumasaqaatit niuerfinni piumasaqaatinut assingunerusut inuussutissarsiortunit sungi-
unneqarsinnaaqullugit inuussutissarsiortunut tapiissutit qanoq annikillisinneqarsin-
naanerat Naalakkersuisunit isumaliutigineqarsimava?

3.8. Immikkoortoq 5.3, Pisortat ingerlatsinerannik nutarterineq – aqqissuusseqqinnermi malitassaq 3, qupperneq 127

Pisortat allaffissornermut ataatsimoortumik ingerlatsineranni kommunini allaffissornerup inissisimanera pillugu paasisitsiniaanerup pisortat ingerlatsinerannik nutarterinerup ilaatut ingerlanneqarsinnaanera Naalakkersuisunit isumaliutigineqarsimava?

3.9. Immikkoortoq 6.1, Sanaartornermut tunngasut, qupperneq 138

Naalakkersuisut isumaqarpat ineqarnermut tunngasuni 177 mio. kr.-inik immikkoortit-
sinikkut aningaasanik naammattunik immikkoortitsisoqartoq? Suliassaqarfimmi tamatumani
kommunit kissaataat qanoq isiginiarneqarsimappat?

3.10. Immikkoortoq 7.2, Isertitat, qupperneq 147

Aatsitassarsiordermit isertitat iluarsiiisuteqarfigneqarnissaat Naalakkersuisunit naatsorsuuti-
gineqangila?

4. Suliassaqarfik 10 - 12 Naalakkersuisut Siulittaasuat

4.1 Konto pingaarneq 10.01.24 Nalliuttorsiornermi aqqissuussinerit

Aningaasaliissutit amerlanerunnginnerannut suna tunngaviua?

4.2 Konto pingaarneq 10.06.27 Aatsitassanut suliffissuaqarnermullu pilersaarutinut
atatillugu arlaannaannulluunniit attuumassuteqanngitsumik paasiniaasussanut anin-
gaasanik tapiissutit

- a) Aningaasaliissutit amerlanerunnginnerannut suna tunngaviua?
b) Aningaasaliissutit aatsitassarsiordermi suliffeqarnermilu Naalakkersuisut angorusu-
taannut ersiutaappat?

4.3 Konto pingaarneq 12.01.01 Kalaallit Nunaata Københavnimi sinniisoqarfia, inger-
latsineq

Sulisorisassatut naatsorsuutigisani suliassami kisitsisit qaffariarnerannut suna tunngaviua?

4.4 Konto pingaarneq 12.01.10 Kalaallit Nunaata Københavnimi sinniisoqarfia, ineqar-
nermut akiliutit

Aningaasaliissutini matumani pineqartuni isertitat taama ikitsiginerat sumik pissuteqarpa?
Ingerlatsivinnut suliffeqarfinnullu nunatsinnut attuumassuteqartunut ininik attartortitsisarneq
allassimasunit amerlanerusunik isertitaqaataassasoq ataatsimiititaliamit naatsorsuutigine-
qaralarpoq.

5. Suliassaqarfik 20 - 24 Aningaasaqarnermut Akileraartarnermullu Naalakkersuisoq

5.1 Konto pingaarneq 20.01.01 Aningaasaqarnermut Akileraartarnermullu Naalakker-
suisoqarfik

N 2016-imut sanilliullugu akissarsianut aningaasartuutit qaffariarnerat sumik pissuteqarpa?

5.2 Konto pingaarneq 20.05.20 Kommuninut ataatsimoortumik tapiissutit

- a) 2018-imut ataatsimoortumik tapiissutit pillugit kommuninut isumaqatigiissutissaq AIS 2018-ip naammassinerani suli isumaqatigiissutigineqarsimanngitsoq Naalakkersuisut paasissutissiissutigaa. Qaqugu isumaqatigiissutigineqarnissaa Naalakkersuisut naatsorsuutigaat aammalu Naalakkersuisut isumaqarpat taamaalilluni isumaqatigiissut kingusissorujussuakkut isumaqatigiissutigineqassasoq?
- b) Kiisalu aningaasaliissutissatut matumani siunnersuutigineqartut atugassiissutigineqarnissaat siunertaralugu aningaasanut inatsisissatut siunnersuummut allannguutissatut siunnersuummik 2017-imi ukiakkut ataatsimiinnermi saqqummiussinissartik Naalakkersuisut naatsorsuutigaat. Iluarsiissuteqartoqarnissaa ataatsimiititaliamit naatsorsuutigineqarpoq.

5.3 Konto pingaarneq 20.05.31 Kommunini aningaasartuutaanerusussanut immikkoortitat
Angajoqqaarsiat aningaasarsiaasa amerlineqarnerisigut aningaasartuutaajunnartunut aningaasalersuutissanik kontomi matumani aningaasaliissutit 2 mio. kr.-inik amerlineqartut Naalakkersuisut paasissutissiissutigaa. Taamatut aningaasaliissutit ilaneqarnerat aalajangiiffigissatut siunnersuummik UPA 2017/104-mik Inatsisartut suliarinninnerannut naapertuunnersoq paasissutissiissutigineqassasoq ataatsimiititaliamit kissaatigineqarpoq.

5.4 Konto pingaarneq 20.10.22 Isertitat allat
Matumani aningaasaliissutit marlunnik siunertaqartut paasissutissiissutigineqarpoq, ataatsimiititaliali isumaa malillugu qanoq sunalu tunngavigalugu isertitaqarnissaaq annikitsuinarmik nalunaarneqarluni. Aningaasaliissutit 5 mio. kr.-it qanoq inernilunneqarsimanersut Naalakkersuisut ataatsimiititaliamut paasissutissiissutigisinnaavaat?

5.5 Konto pingaarneq 20.11.51 Aaqqissuusseqqinnerit sunniutaat
a) Ineqarnermik aammalu isumaginninnermik aaqqissuusseqqinnissat ilimasaarutigineqartut qanoq sunnuteqartussatut Naalakkersuisunit naatsorsuutigineqarpat?
b) Piffissami kingullermi, tassa UKA 2017 sioqqullugu, pisoqarsimava aningaasaliissutitut allannguutaasinnaasunik nassataqarsinnaasunik?

5.6 Konto pingaarneq 20.11.58 Akissarsiat pillugit isumaqatigiissutitut sillimmatit
Sillimmatitut aningaasaliissutit atugassiissutigineqarnissaanni Aningaasaqarnermut Akile-raartarnermullu Ataatsimiititaliap akuliutsinneqarnissaa Naalakkersuisunit naatsorsuutigineqarpa?

5.7 Konto pingaarneq 20.11.70 Suliniutinut nutaanut sillimmatit
Suliniutinut nutaanut aningaasalersuutissanik kontomi pingaarnermi matumani aningaasanik immikkoortitsisoqartoq Naalakkersuisut paasissutissiissutigaa; taakkununggalu ilaavoq ilinniartunik suliffimmillu misiliisunik atorfinitsitsinnermi inuiaqatigiit akisussaassuseqarnerat pillugu inatsisissatut siunnersuut. Piffissami kingullermi pisoqarsimava aningaasaliissutitut allannguutaasinnaasunik kinguneqartunik?

5.8 Konto pingaarneq 20.30.02 Piginnaasanik ineriartortitsinnermut aningaasat immikkoortitat
N 2016-imut sanilliullugu akissarsianut aningaasartuutit qaffariarnerat sumik pissuteqarpa?

5.9 Konto pingaarneq 20.30.10 Illuutinik ingerlatsineq aserfallatsaaliuinerlu
a) Konto pingaarnermut oqaasertaliussaqqarpoq. Taanna malillugu Aningaasaqarnermut Akileraartarnermullu Ataatsimiititaliamit akuerineqarlutik kontomi pingaarnermi ma-

tumani atuinerussutit atuinikinnerussutilluunniit annerpaamik 50 %-it ukiumut tulliu-
tumut nuunneqarnissaannik Naalakkersuisut piginnaatinnearput. Naalakkersuisut
isumaqarpat ingerlatsinermut aserfallatsaaliuinemullu aningaasat immikkoortinne-
qartut taamaaliornikkut pitsaanerpaamik atornerqarnissaat qulakkeerneqartoq?

b) Naalakkersuisut naliliippat aningaasat immikkoortinneqartut naammattut?

5.10 Konto pingaarneq 24.01.01 Akileraartarnermut Aqutsisoqarfik, allaffissorneq
N 2016-imut sanilliullugu akissarsianut aningaasartuutit qaffiarnarat sumik pissuteqarpa?

5.11 Konto pingaarneq 24.01.15 Pisassanut allanut siusinnerusukkut isumakkiikkanut
akiliutit

Ilanngaassivik pillugu ineriartorneq konto pingaarnermut matumunnga sunniuteqartussatut
naatsorsuutigineqarpa?

5.12 Konto pingaarneq 24.10.11 Nuna tamakkerlugu immikkut akileraarut

Pituffimmut tunngatillugu ineriartorneq konto pingaarnermut matumunnga sunniuteqar-
tussatut naatsorsuutigineqarpa?

5.13 Konto pingaarneq 24.11.12/25 aamma 26 Raajanut akitsuutit/qaleralinnut akitsuutit
/aalisakkanut ikerinnarsortunut akitsuutit

a) Tuluut EU-mit aninerat nunatta aalisakkanit tunisassianik nunanut allanut tunisa-
qarneranut qanoq sunniuteqartussatut Naalakkersuisunit naatsorsuutigineqarpa?

b) Killilersugaanngitsumik niueqatigiinnissamik EU-p Canadallu isumaqatigiissutaat
nunatta nunanut allanut aalisakkanik tunisaqarneranut sunniuteqartussatut Naalak-
kersuisunit naatsorsuutigineqarpa?

6. Suliassaqarfik 27 - Namminiilivinnermut, Nunanut Allanut Niuernermullu Naalak- kersuisoq

6.1 Konto pingaarneq 27.03.01 Inatsisinut tunngaviusussanut isumalioqatigiissitaq
aamma allattoqarfik

Taanna ataatsimiititaliamit ima paasineqassava; inatsisinut tunngaviusussanut isumalio-
qatigiissitap 2018-ip kingorna suliaqarnissaa Naalakkersuisunit naatsorsuutigineqanngitsoq?

6.2 Konto pingaarneq 27.04.01 Nunalerinermik inuussutissarsiuteqartunut aningaasa-
lersuinikkut tapersiisarneq

Tunisinermit tapiissutinik tunniussinermi tunisisut aningaasatigut inissisimanerisa ilan-
ngullugu isiginiarneqarnissaa iluaqutaasinnaasutut Naalakkersuisunit isigineqarpa, taamaa-
liornikkut savaatillit aningaasaqarnikkut ajornerpaamik inissisimasut tunisinermut tapiissu-
tinit annertunerpaamik pissarsisinnaaqqullugit?

6.3 Konto pingaarneq 27.04.02 Ineriartortitsinermut aningaasatigut tapersiissutit, nunale-
rineq

a) Kontomi pingaarnermi matumani aningaasaliissutit iluaqutaassuseqarnerannut upper-
narsaatilik saqqummiussisoqarsimava?

b) Konto pingaarneq una aqqutigalugu nunaatit hektarit qassit pissarsiarineqarsimappat?

7. Suliassaqarfik 30 Isumaginninnermut, Ilaqutariinnermut, Naligiissitaanermut Inat-sisinillu Atuutsitsinnermut Naalakkersuisoq

7.1 Konto pingaarneq 30.01.03 Isumaginninneq pillugu pikkorissartitseqqinnerit ilinniartitseqqinnerillu

- a) Isumaginninnermi siunnersortinik ilinniartitseqqinnermut tunngatillugu suliassami kisitsisit AIS 2018-imit nulingortinneqarsimanerannut suna tunngaviua?
- b) Sulianik ingerlatsisunik iliniartitseqqinnerup suliassani kisitsisini allassimannginneranut suna tunngaviua?

7.2 Konto pingaarneq 30.01.12 Danmarkimi eqqartuunneqarsimasunik oqaloqatiginnittar-toqarneq

Nummi parnaarussivissaq nutaaq konto pingaarnermut matumunnga sunniuteqassava?

7.3 Konto pingaarneq 30.10.37 Nuna tamakkerlugu meeqqanut inuusuttunullu angerlar-simaffiit

Suliassaminnik isumaginninnissaminnut pitsaanerpaamik sinaakktissaqaqqullugit assersuutigtalugu Isikkivimmi (Sisimiut) sulisut illutatigut illersorneqarsinnaasunik kiisalu sulinnermi avatangiisinik toqqissisimanartunik sinaakktissaqarnissaat anguniarlugu qanoq iliortoqarsimava?

7.4 Konto pingaarneq 30.10.45 Meeqqat inuusuttullu immikkut ittumik suliniuteqarf-gineqarnerat

- a) Ilaqutariinnut sullissivinnut ilaqutariinnullu højskolinut aningaasaliussat siunissami ataatsimoortumik tapiissutit aqqutigalugit tunniunneqartalernissaat naatsorsuutigineqartoq Naalakkersuisut paasisutissiissutigaa. Tassunga atatillugu aningaasat siunertanut allanut atorneqarsinnaajunnaarlugit immikkut atugassiissutigineqartarnissaat Naalakkersuisut naatsorsuutigaa?
- b) Suliniummut MANU-mut atatillugu meeqqat, angajoqqaanngortussat ilaqutariillu atugarliortut qitiutillugit isumaginninnermi immikkoortumik Peqqissutsimut Naalakkersuisoqarfimmi pilersitsisoqarsimasoq paasisutissiissutigineqarpoq. Suliassat taama avissartinneqarnerannut suna tunngaviua?
- c) MANU aammalu kanngutsaatsuliorfigineqarnissaq pinaveersimatinniarlugu suliniut ilaqutariinnut sullissivinnit isumagineqarpata pitsaanerussanngila?

7.5 Konto pingaarneq 30.12.11 Danmarkimi siusinaartumik pensionisiat

Danmarkimi sivisuumik najugaqarnerup suliassat Danmarkimit tiguneqarnerat kingunerisinnavaa?

7.6 Konto pingaarneq 30.13.43 Nuna tamakkerlugu innarluutilinnut sullissivik

Innuttaasunik innersuussisarneq kommunit nammineq akilertassappassuk tassungaluunniit atatillugu misissuinissat namminneq isumagisassagunikkitt kontomi pingaarnermi matumani siunertarineqartoq eqquutsinneqanngitsooratarsinnaasoq Naalakkersuisut naliliippat?

8. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalakkersuisoq

8.1 Konto pingaarneq 34.10.02 Namminersorlutik Oqartussat illuutaanik aserfallat-saaliuineq

- a) Aserfallatsaaliuineramik sulineq piffinni tamani sukumiisumik pitsaasumillu ingerlanneqartoq Naalakkersuisut naliliippat?

- b) Illuutit katillugit 82.104 m²-eriusut ilaat qanoq annertutigisut ukiumoortumik aserfallatsaaliorneqartarnersut paasissutissiissutigineqassasoq ataatsimiititaliap kissatigaa.

8.2 Konto pingaarneq 34.11.01 Napparsimasut nunani allani katsorsarneqartarnerat, timikkut nappaatit

- a) 2017-imi aningaasaliissutit N 2016-imut sanilliullutik ikinnerunerannut tamatumalu kingorna amerleriarnernannut suna pissutaava? Tamanna minnaarilluni missingersuusiorsimanermik pissuteqarpa?
- b) Kontomi pingaarnermi matumani missingersuutinik suliaqarneq Naalakkersuisunit naammaginatutut isigineqarpa?

8.3 Konto pingaarneq 34.11.03 Dronning Ingridip Napparsimmavissua

- a) Nakorsaatitortinneqartunut ulluunerani nakorsiartarfimmu aningaasaliissutit N 2016-imut sanilliullutik amerleriarnernannut suna pissutaava?
- b) N 2016-imut sanilliullugu ullut uninngaviusut ikileriarnernannut suna pissutaava?
- c) Pissutsit taamaannerat minnaarilluni missingersuusiortoqarsimaneranik pissuteqarpa?

8.4 Konto pingaarneq 34.11.07 Kræfti pillugu pilersaarut

- a) Mammografimut atortorissaarummik pisinissap atortorissaarutinik pisinermut atatilugu immikkut taaneqarnera siullermiilingilaq. Tamanna aalajangersimasumik pissuteqarpa?
- b) Mammografimut atortorissaarut pisiarineqarsimasoq qanoq annertutigisumik atorneqarpa? Atortorissaarut ataasiinnaq pissarisarineqarpa aammalu ingerlaavartumik taarserneqartarpa?

8.5 Konto pingaarneq 34.12.01 Nunap immikkoortuini peqqinnissaqarfii, nakorsanit sullinneqarneq

- a) N 2016-imut sanilliullugu akissarsianut aningaasartuutit amerleriarnernannut suna pissutaava?
- b) Peqqinnissaqarfik Qeqertarsuup Tunuanut aammalu Avannaanut aningaasaliissutit amerleriarnernanni assigiinngisummut suna pissutaava?

8.6 Konto pingaarneq 34.12.02 Nunatsinni Peqqinnissakkut Ilinniartitaanikkullu suliniutit Suliniutit, taagukkat arlallit akornanniittut, matuma kinguliani allassimasut suliassami kisitsisit ataanni qupp. 366-imi takussutissianiittut siunertaasa imarisaasalu itisilerneqarnissaat ataatsimiititaliamit kissaatigineqarpoq:

- Peqqissaasunut diplomkursit
- Nakorsat inuttut pikkorissartitsinermut aningaasaateqarfiat
- Ineriartortitsinermut aningaasat atorneqartussat.

8.7 Konto pingaarneq 34.12.06 Ataatsimut aningaasartuutit

- a) Suliassat peqqinnissaqarfimmu aammalu isumaginninnermut tunngasunut agguataarlugit meeqqat inuusuttullu pillugit siusissukku suliniuteqarneq qanoq ingerlava?
- b) Peqqinnissaqarfimmi aammalu isumaginninnermut tunngasuni ingerlatat qanoq annertutigisumik imminnut taputartuuppat?
- c) Peqqinnissaqarfimmi aammalu isumaginninnermut tunngasuni ingerlatat qanoq annertutigisumik imminnut pitsaasumik sunniuteqarpat?

8.8 Konto pingaarneq 34.13.01 Peqqinnissaqarfii

- a) N 2016-imut sanilliullugu ilanngaaseereerluni aningaasartuutit ikileriarnerannut suna tunngaviua?
- b) N 2016-imut sanilliullugu Nuummi nakorsartut malunnaatilimmik ikileriarnerannut suna pissutaava?
- c) N 2016-imut sanilliullugu Uummannami nakorsartut malunnaatilimmik amerleriarnerannut suna pissutaava?

8.9 Konto pingaarneq 34.15.01 Inuuneritta

- a) Inuuneritta II aqutigalugu pinaveersaartitsiniarluni peqqinnissakkullu siuarsaalluni suliniarneq Naalakkersuisunit qanoq misilittagaqarfigineqarpa? Inuuneritta I-ip aamma II-p akornanni qanoq ataqatigiinneq ippa taakkunanngalu misilittakkat qanoq ippat?
- b) Suliniutit imaluunniit katsorsaariaatsit allat Naalakkersuisunit isumaliutigineqarsimappat?
- c) Naalakkersuisut naliliippat aningaasaliissutaasut aningaasaliinermi siunertamut sanilliullutik naammattut?
- d) Peqqinnissaqarfimmi suliniutit tamakkiisut iluaqutaassusiannik imaluunniit pissarsisutaasarnernannik misissuinissaq misissueqqissaarnissarlunniit Naalakkersuisunit pisariaqartinneqarsimava? Matumani ataatsimiititaliamit eqqarsaatigineqartoq tassaavoq suliassa qarfiup tiguneqarneranit aningaasaliissutit amerliartuinnavissimanerat, tassa 400 mio. kr.-it missaannit ullumikkut 1,4 mia. kr.-inut. Taamaalillunilu peqqinnissaqarfik aallaavimmut sanilliullugu ukiumoortumik 1 mia. kr.-it missaannik amerlanerusunik aningaasaliiffigineqartalersimavoq.

9. Suliassa qarfik 40 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq

9.1 Konto pingaarneq 40.01.08 Ilinniartitaanermut tunngasuni immikkoortumut pilersaarut

Ataatsimiititaliap isumaa malillugu allaffissornikkut suliassanut aningaasat ikigisassaangit-sut immikkoortinneqarput. Assersuutit uku Naalakkersuisunit taaneqartut allaffissornikkut suliassanut aningaasaliissutinut qanoq ilillutik ilaatinneqarsinnaanerannut itisiliissut ataatsimiititaliamit kissaatigineqarpoq

- a) Ilinniartut ineqarfiinik attartorallarnermut tapiissuteqartarneq,
- b) Immikkut ittumik suliniuteqarnermut tapiissuteqarnissamullu.

Aningaasanik atugassiissutiginninneq Ilinniartitaanermut Naalakkersuisumit aalajangiiffigineqartartoq siunnersuummi allassimavoq. Ataatsimiititaliap isumaa malillugu nunatta karsiata aningaasaataanik ataatsimoortumik tullerriaarineq Inatsisartut aningaasanut inatsisissatut siunnersuummik suliarinninnerannut atatillugu pisussaavoq. Taamaalillunilu aningaasanik atugassanngortitsineq aningaasanut inatsisip akuersissutigineqarneranut atatillugu imaluunniit Aningaasaqarnermut Akileraartarnermullu Ataatsimiititaliaq aqutigalugu ilassutitut aningaasaliissuteqarnikkut pisariaqarpoq.

Taamaattumillu aningaasat atugassiissutigineqarnissaat pillugu aalajangiinnissap Inatsisartunit imaluunniit Aningaasaqarnermut Akileraartarnermullu Ataatsimiititaliaq aqutigalugu ilassutitut aningaasaliissuteqarnikkut pinissaanik qulakkeerinnittumik konto pingaarnermut matumunnga allannguutissatut siunnersuummik aningaasanut inatsisissatut siunnersuutip aap-passaaneerineqarnissaanut saqqummiussisoqarnissaa ataatsimiititaliamit inassutigineqarpoq.

9.2 Konto pingaarneq 40.02.07 Immikkut ikiorsiissutit, angalanermut aningaasartuutit il.il., suliffeqarfiit

- a) Sooq ilinniarfimmumut ataatsimut tapiissutit ataanni ATI-mut / Aalisakkanik suliffissuaqarnermi ilinniarfimmumut tapiissutit nulinngortinneqarsimappat?
- b) Sooq ilinniarfimmumut ataatsimut tapiissutit ataanni savaatilinnigorniat ilinniarfiannut tapiissutit N 2016-imi 3.000-init 87.000 kr.-inut amerleriarsimappat?

9.3 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

Atuartut qassit efterskolimeereernermik kingorna ilinniagaqalertarpat imaluunniit suliffeqalertarpat?

9.4 Konto pingaarneq 40.10.11 Ada Lynge Atuarfia

Ukiumut ilinniartumut ataatsimut aningaasartuutit amerleriarnernannut suna pissutaava?

9.5 Konto pingaarneq 40.10.12 Efterskolit

Aningaasaliissutit amerleriarnernannut suna pissutaava?

9.6 Konto pingaarneq 40.12.35 Avannaani ilinniarnertuunngorniarfik aamma 40.12.36 Qeqqani Ilinniarnertuunngorniarfik

Atuartitsissutit amerlassusii ikileriassasut naatsorsuutigineqarpoq, tamatumali peqatigisaanik ukiumut ilinniartumut aningaasartuutit malunnaatilimmik amerleriarnissaat naatsorsuutigineqarluni. Tamatumunnga suna pissutaava?

9.7 Konto pingaarneq 40.40.01 Ilinniartitaanermut Aqutsisoqarfik

Sulisut sisamanik amerleriarnernannut akissarsianut aningaasartuutit 4 mio. kr.-inik ilaneqarnerat sumik pissuteqarpa?

9.8 Konto pingaarneq 40.90.02 Kalaallit illuinut tapiissutit

- a) Kalaallit illuini aningaasartuutit ilaat qanoq amerlatigisut matumani aningaasaliissutinit matussuserneqarpat?
- b) Kalallit illuini siulersuisunut nunarput qanoq annertutigisumik sunniuteqarsinnaasuseqarpa?

9.9 Konto pingaarneq 40.90.08 Ilinniartitaanermi PAT-i

Aasiaat tungaannut imaatigut kabeliliineq aammalu Upernavik tikillugu radiukkut attaveqaateqarneq kontomut pingaarnermut matumunnga qanoq sunniuteqassava aammalu taakku peqqinnissaqarfimmumut qanoq sunniuteqarsinnaappat?

9.10 Konto pingaarneq 40.90.13 Siunnersuineq kiisalu tarnikkut inooqatigiinnikkullu nuna tamakkerlugu ilinniartunik siunnersuisarfik

- a) Ilinniartunik tarnikkut inooqataanikkullu siunnersuineq illoqarfinni aqqissuussinerup najuuffigisaani qanoq annertutigisumik atorneqarpa?
- b) N 2016-ip ataani kisitsisit ukiuni tulluuttuni annaaraluni missingersuusiortoqarsimaneranut ersersitsisutut isigineqarsinnaappat?

9.11 Konto pingaarneq 40.90.15 Ilinniartut inissaannik attartorneq

- a) Ilinniartunut inissanik pisariaqartitsineq maanna qanoq annertutigiva?

- b) Illoqarfimmi ilinniarfusumi ilinniartunut inissianik amigaateqartoqarsinnaanera aammalu illoqarfimmit angerlarsimaffigisamit angalanermut aningaasartuutit matususerneqarsinnaanerannut periarfissaqarneq imminut ataqatigiippat?
- c) Ilinniartut inaanni, ilinniartunut inissiat kiisalu inuusuttunut inissiat assigisaannilu inoqutigiit isertitaasa aammalu ineqarnermut akiliutit qaffasissusiisa imminnut ataqatigiinnerulersinnissaannut qanoq periarfissaqarpa?
- d) Ilinniartut inaanni, ilinniartunut inissiat kiisalu inuusuttunut inissiat assigisaannilu pitsaassutsip aammalu ineqarnermut akiliutit qaffasissusiisa imminnut ataqatigiinnerulersinnissaannut qanoq periarfissaqarpa?
- e) Inissarsinissaq piinnarlugu ilinniarnissamik qinnuteqartut pinngitsoortinniarlugit Naalakkersuisut qanoq iliortarpat?

9.12 Konto pingaarnert 40.91.06 – 40.91.31 Inuusutissarsiornermik ilinniarfiit ataatsimut isigalugit

- a) Inuusutissarsiornermik ilinniarfinnik nussuinissamik pilersaarut sumut killippa?
- b) Malitsigisatut aningaasartuutit ilanngullugit nussuisinnaaneq inuiaqatigiinnut qanoq akeqartussatut Naalakkersuisunit naatsorsuutigineqarpa?

9.13 Konto pingaarneq 40.92.10 Folkehøjskolit

- a) Konto pingaarnermi matumani aningaasaliissutit 5.671.000 kr.-inik amerlineqartut paasissutissiissutigineqarpoq. Tamanna AIS 2018-imi ilanngaaseereerluni aningaasartuutissat imaluunniit ukiut missingersuusiorfiit ataanni allassimasorinangilaq. Tamanna qanoq paasisariaqarpa?
- b) Kiisalu konto pingaarnermi 20.11.70-imi aningaasaliissutit 3.071.000 kr.-inik ikilinerisigut aningaasaliissutit aningaasalersorneqartut paasissutissiissutigineqarpoq. Konto pingaarnermik 20.11.70-imik, suliniutinut nutaanut sillimmatinut tunngasumik, ataatsimiititaliap paasinninnera malillugu kontomi taaneqartumi aningaasaliissutit siunertanut allanut atugassiissutigineqareerput. Tamanna qanoq paasineqassava?
- c) 3.071.000 kr.-inik, 1.100.000 kr.-inik aammalu 1.200.000 kr.-inik aningaasaliinikkut kontomi pingaarnermi matumani aningaasaliissutit amerlineqartut paasissutissiissutigineqarpoq. Taamaalilluni tamakkiisumik aningaasalersornissaanut 300.000 kr.-it amigaataasorinarput. Tamanna qanoq paasisariaqarpa?
- d) Højskolinut tapiissutit tunngaviumsumik tapiissutinut aammalu taxameteri atorlugu tapiissutinut qanoq agguataarneqarsimanersut Naalakkersuisut Aningaasaqarnermut Akileraartarnermullu Ataatsimiititaliamut paasissutissiissutigisinnaavaat?

9.14 Konto pingaarneq 40.92.13 Ilisimatusarfik

- a) Kontomi pingaarnermi matumani aningaasaliissutit ilisimatusarnermik suliniutinut nunatsinnut attuumassuteqartunut atugassiissutigineqarnissaat aammalu suliniutit atorsinnaassuseqarnissaat pingaartillugu Naalakkersuisunit qulakkeerneqarsimava?
- b) Ilisimatusarfimmut tunngatillugu suliffeqarfimmik aamma/imaluunniit immikkoortortamik tassunga atasumik naammassisassat pillugit isumaqatigiissuteqartoqarsimava?

9.15 Konto pingaarneq 40.92.14 Ajoqissanik organistinillu ilinniartitsineq

- a) N 2016-imi kisitsisinit takuneqarsinnaavoq organistinut tunngatillugu suliassami kisitsisinit malunnaatilimmit ikinnerit peqataasimasut. Tamatumunnga suna tunngaviua?
- b) Ajoqit organistillu akissarsiaqarnerannut pissutsit pitsaanerulerpata peqataasut amerlanerulersinnaasut Naalakkersuisunit naatsorsuutigineqarpa?

9.16 Konto pingaarneq 40.94.13 Timersornermut tapiissutit

Aaqqissuussinerni assigiinngitsuni peqataaneq pissutigalugu sulinermi isertitassaraluanik annaasaqaatinut 250.000 kr.-it immikkoortinneqarput. Aaqqissuussinernut piareersarnermut atatillugu sulinermi isertitassaraluanik annaasaqaatinut siunissami aamma aningaasanik immikkoortitsisoqartalersinnaaqqullugu aningaasaliissutit amerlisinnaanerit Naalakkersuisunit qanoq isumaqarfigineqarpa?

9.17 Konto pingaarneq 40.94.16 Najukkani TV-kkut najukkanilu radiukkut aallakaatit-sisarfiit peqatigiiffiinut tapiissutit

- a) Kalaallisut qulequtaani naqinnerlugaqarpoq. ”Naukkanilu” allassimanani ”Najukkanilu” allassimassaaq.
- b) Tapiissutit tunniunneqartut pillugit naatsorsuutini allassimasut (assersuutigalugu isertitat) eqqortumik allanneqarsimanerat Naalakkersuisunit qanoq qulakkeerneqartarpa?
- c) Naatsorsuutini nassiuunneqartuni isertitat tamarmiusut ilanngunneqarsimanerat Naalakkersuisunit qanoq qulakkeerneqartarpa?

9.18 Konto pingaarneq 40.94.17 Kalaallit Nunaata Radioa - KNR

Inatsisartut isumaqatigiinniarnersa nuna tamakkerlugu radiukkut aallakaatinneqartarnissaasa innuttaasunik sullissinermi KNR-ip Naalakkersuisullu naammassisassanik isumaqatigiissuteqarneranni ilanngunneqarnissaanut qanoq periarfissaqarpa?

9.19 Konto pingaarneq 40.94.18 Katuap

- a) Piffissami kingullermi aaqqissuussinerit suut Katuap Nuummi sinerissallu sinnerini ingerlassimavai?
- b) Katuap aaqqissuussaasa sapinngisamik annertunerpaamik nunatsinnut tamanut anngunnissaat Naalakkersuisunit qanoq qulakkeerneqalersaarpa?

9.20 Konto pingaarneq 40.94.20 Arctic Winter Games aamma Island Games

Arctic Winter Games assigalugu konto pingaarnermik Pan Amerikami pissartanngormiunernut naatsorsuussamik pilersitsinissaq Naalakkersuisunit isumaliutigineqarsimava?

9.21 Konto pingaarneq 40.97.03 Kalaallit Nunaanni ilagiit

Biskopeqarfimmut (kukkusumik allanneqarsimasumut (takuuk qup. 465-ip aallaqqaataa)) suliassami kisitsisit taamaalillunilu aningaasaliissutit ukiut allortarlugit 1 mio. kr.-inik nikingassuteqartarnerannut suna tunngaviua?

9.22 Konto pingaarneq 40.98.02 Nuna tamakkerlugu digitalinngortitsinissamut periusissiap atuutilerana

Aningaasaliissutit ikilineqarnerannut suna tunngaviua?

10. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisoq

10.1 Konto pingaarneq 51.01.04 Aallarteqqinnissamut tapiissuteqartarneq

N 2016-ip aamma AI 2017-ip kiisalu AIS 2018-ip akornanni nikingassummut annertuumut suna pissutaava?

11. Suliassaqarfik 62-64 Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq

11.1 Konto pingaarneq 64.01.04 Piginnaasanik ineriartortitsiviusumik pikkorissarnerit

- a) Konto pingaarnermi matumani aningaasaliissutit sunniutaat pillugu Naalackersuisut nassuiaateqarnissaat ataatsimiititaliamit kissaatigineqarpoq.
- b) Pikkorissartitsinerit ilaat qanoq amerlatigisut kalaallisut ingerlanneqartarnersut paasissutissiissutigineqassasoq ataatsimiititaliamit kissaatigineqarpoq.
- c) Ukiuni kingullerni marlunni qassit piginnaasanik ineriartortitsiviusumik pikkorissarsimanersut paasissutissiissutigineqassasoq ataatsimiititaliamit kissaatigineqarpoq. Kisitsisit ukiunut marlunnut kingullernut suliffeqanngitsunut, inuussutissarsiyutini ulorianartorsiortuni suliffilinnut kiisalu piginnaasanik qaffasaanissamik pisariaqartitsisunut agguataarlugit nalunaarsorneqarnissaat ataatsimiititaliamit kissaatigineqarpoq.
- d) Piginnaasanik ineriartortitsiviusumik siuliani taaneqartutut pikkorissarsimasut qanoq amerlatigisut naammassinnittarnersut Naalackersuisunit paasissutissiissutigineqarsinnaava?
- e) Naalackersuisut paasissutissiissutigisinnaavaat
 - 1. Suliffissaaleqisut qassit piginnaasanik ineriartortitsiviusumik pikkorissarmik kingorna suliffittaarsimanersut,
 - 2. inuussutissarsiyutini ulorianartorsiortuni suliffillit qassit piginnaasanik ineriartortitsiviusumik pikkorissarsimanertik pissutigalugu suliffiminniiginnarsinnaasimanersut, kiisalu
 - 3. piginnaasanik qaffasaanissamik pisariaqartitsisut qassit piginnaasanik qaffasaanissamik kissaateqarnermikkut naammassinnissimanersut?

11.2 Konto pingarneq 64.10.12 Nioqqutissanik pilersuineq

- a) Namminersorlutik Oqartussat KNI A/S-illu akornanni killiliussatut isumaqatigiissut aammalu kiffartuussinissamik isumaqatigiissut tunngavigalugit konto pingaarnerpumata matuma ataani suliaasat KNI A/S-imit isumagineqarput. Illoqarfinni aalajangersimasuni KNI A/S ingerlataqanngitsoq nalinginnaasumik ilisimaneqarpoq. KNI A/S pillugu inatsimmi imaluunniit konto pingarneq una naapertorlugu isumaqatigiissutigineqarsimasuni tamanna malittarisassiuunneqarsimasoq ataatsimiititaliamit takuneqarsinnaanngilaq. Taamaattumillu illoqarfinni aalajangersimasuni KNI A/S soq ingerlataqannginnerisut paasissutissiissutigineqassasoq ataatsimiititaliamit kissaatigineqarpoq.
- b) Pissutsit siuliani taaneqartut atuisunut innuttaasunullu qanoq pitsaaquteqarlutillu ajoquteqartutut Naalackersuisunit isigineqarpat?
- c) Niuertarfeqarnikkut unammillernermi KNI A/S-ip, namminersortut naligalugit, peqataanera atuisunut aammalu inuiaqatigiit aningaasaqarnerannut nalinginnaasumik peqqinnartutut Naalackersuisunit isumaqarfigineqarpa?

11.3 Konto pingarneq 64.10.17 Nunami inuussutissarsiyutitut takornariartitsinermullu tapiissutit

- a) Inuussutissarsiyutit pineqartut ineriartortinneqarnissaasa annertunerisumik aallunneqarnissaa siunertaralugu ingerlatsinermik attassinissamut taarsiullugu aningaasaliissutit siunertaasa, atorneqarnerisa sunniutaasalu naliliiffigeqqinneqarnissaannik pisariaqartitsisoqarneranik ataatsimiititaliap isumaqarnera Naalackersuisunit isumaqataaffigineqarpa?
- b) Kiffartuussinissamik Great Greenlandimut isumaqatigiissutit piffissap ilaani atorunnaarsikkiartuaarneqarnissaa taamaalillunilu tunisinermut tapiissutit nulinngortinneqarnissaat siusinnerusukkut naatsorsuutigineqarsimavoq. Taamatut eqqarsaateqarneq qimanneqarsimava?

- c) Great Greenland piffissap ilaani namminersortunngorsarneqassasoq ilaasimagaluarpoq. Taamatut eqqarsaateqarneq qimanneqavissimava?
- d) Great Greenlandimut tunisiniernut tapiissuteqarnermi isorliunerusuni nunaqarfinnilu isertitaqarnissamut periarfissiinissaq Naalakkersuisunit kissaatigineqarpoq. Tunisiniernut tapiissutit ilaat qanoq amerlatigisut isorliunerusunut nunaqarfinnullu tuttarpat?
- e) Nunatsinni pisuussutini atuinermi ataatsimoortumik suliniuteqarnikkut annertunerusumik pissarsissuteqarnissaq anguniarlugu Neqi A/S aamma Great Greenlandip suleqatigiissinnaanerit Naalakkersuisunit isumaliutigineqarsimava?

11.4 Konto pingarneq 64.10.25 Suliniutit angisuut

Alcoa pillugu suliniutip maanna killiffiata naatumik nassuiaatigineqarnissaa ataatsimiititaliamit kissaatigineqarpoq. Tassunga atatillugu konto pingarnerup matuma atorunnaarsinneqarnissaa pilersaarutaava imaluunniit Alcoamut taartissamik isumaliutiginnittoqarpa?

11.5 Konto pingarneq 64.10.27 Inuussutissarsiutit ineriartortinnerinut pilersaarinnernullu suliniutit

- a) Kujataani, Tunumi, Qeqqata Kommuneani aamma illoqarfiit pingarneraasa eqqaaniittuni takornariat ornittagassaannut pilersaarutini siuarsaanissaq konto pingarneq una aqutigalugu aningaasalersorneqassasoq Naalakkersuisut paasissutissiippat. Tamatuma peqatigisaanik Naalakkersuisut paasissutissiissutigaat avataanit aningaasaliinissat pisariaqartinneqartut anguneqassappata sulianut pilersaarutit pisariaqartinneqartut. Taamatuttaaq takornariat ornittagaasa misigisassaqtitsiviusussallu allat pilersaarutiginissat konto pingarneq una aqutigalugu pissasoq paasissutissiissutigineqarpoq. Sulinermi tamatumani kommunit qanoq inissimassanersut aammalu takornariat ornittagaannik ingerlatsineq kimit aningaasalersorneqassanersaq paasissutissiissutigineqassasoq ataatsimiititaliamit kissaatigineqarpoq.
- b) Takornariat ornittagassaasa inissimaffissat kimit aalajangerneqassava aammalu takornariat ornittagaannik isorliunerusuni pilersitsinissamut periarfissat qanoq ippat?

11.6 Konto pingarneq 64.12.03 Nukissiorfiit, aqqusinermi qaammaqquteqarneq

Aqqusinermi qaammaqquteqarnermik akisussaaffiup kommuninut nuunneqarnissaanut pilersaarutit sumut killippat?

11.7 Konto pingarneq 64.12.05 Nukissiorfiit, akilersuutit

- a) Nukissiorfiit pillugit aningaasanut inatsimmi kontot pingarnerit assigiinngitsut ataqatigiinnerat paasissutissiissutigineqassasoq ataatsimiititaliamit kissaatigineqarpoq.
- b) Naanerata inernerata ukiut ingerlaneranni sukkanerusumik annikilliarunnginneranut suna tunngaviua?
- c) Suliffeqarfik namminersortitaq pineqartoq eqqarsaatigigaanni Namminersorlutik Oqartussat ernianik taama amerlatigisunik imminut akiliuteqartarnerannut suna tunngaviua?

11.8 Konto pingarnerit 64.12.06/07/08 Nukissiuutinut ataavartunut il.il. tunngasut

- a) Nunatsinni nukissiuutit ataavartut taama eqqumaffiginiarneqartillugit aningasat immikkoortinneqartut amerlanerunnginnerannut suna tunngaviua?
- b) Nukissiuutinut ataavartunut tunngasumik sulinerup nukittorsarneqarnissaa pillugu Naalakkersuisut qanoq pilersaaruteqarpat aammalu sulinermi tassani nunaqarfiit isorliunerusullu qanoq inissimappat?

11.9 Konto pingaarneq 64.13.19 Nuttarneruleersitsiniarluni aningaasaliissutit

Aningaasaliissutitinnik tunniussisoqassappat inissaqartinneqarnissamik piumasaqaat najukkani inissaaleqiffiusuni sulisussanillu amigaateqarfiusuni iluaqutaanngitsoq ataatsimiititaliaq naliivoq. Ajornartorsiut taanna qanoq aaqqinneqarsinnaanersoq Naalakkersuisut isumassaqaartippaat?

11.10 Konto pingaarneq 64.13.21 Piginnaanngorsaaqqinneq

Ataatsimoortumik suliniuteqarnikkut konto pingaarnerup matuma aammalu konto pingaarnerup 64.10.04-p, piginnaasanik ineriartortitsiviumik pikkorissarnernut tunngasup, annertunerusumik pissarsissutaanissaannut qanoq periarfissaqarpa?

11.11 Konto pingaarneq 64.13.23 Majoriaq

- a) Suliassat qulit Majoriamik ingerlatsivinnit suliarineqartussat tamarmik immikkut qanoq angusaqarfiusimappat?
- b) Suliassat qulit iluatsittumik angusaqarfiumissaannut piumasaqaatinik suliaqartoqarsimava?
- c) Missingersuutinut ilanngussami allassimavoq Majoriamik ingerlatsiviit suliassat pingaarnerpaaq tassaasoq innuttaasut ataasiakkaat sulisinnaasut ilinniagaqarnissamut piareersarnissaat aamma/imaluunniit sulinissaannut piareersarnissaat, taamaasillugu ullumikkut siunissamilu inuussutissarsiormi sulisinnaasut patajaatsut, piumassusillit, piukkunnartut sungiussiasullu piginnaasatigut qaffassarnissaat anguneqaq-qullugu. Suliassamik tamatumunnga kivitsinissamut sulisut piginnaasatigut qanoq qaffassaavigineqarpat?
- d) Qaffassarnarit atuagarsornertaqanngitsut suuppat? Qaffassarnerni taakkuni qassit aallartittarpat aammalu qassit naammassinnittarpat? Qaffassarnernik taakkuninnga ingerlataqarsimasut qassit aaqqissuussineq piviusumik iluaqutissarsiffigisarpat? Atugaqarsornertaqanngitsumik ingerlatsinerni ilinniartunut tapiissutit qanoq amerlatigisut 2017-imi atorineqarpat?
- e) Atugaqarsornertaqanngitsumik ingerlatsinerit ineriartortinneqarlutillu nukittorsarnegarnissaannut Naalakkersuisut qanoq pilersaaruteqarpat?
- f) Isumaginninnikkut siusissukkut iliuuseqarnermut ataqatigiissillugu meeqqerivimmi atuarfimmilu siusissukkut iluatsittumik iliuuseqarneq inuusuttut ilinniarnissamut imaluunniit suliffeqalernissamut piareersimassusiannut pitsaasumik kinguneqarsinnaasut Naalakkersuisunit takorloorneqarpa? Ukiuni taama amerlatigisuni taama annertutigisunik aammalu amerliartuinnartunik aningaasaliissuteqartarsimaneq tunngavigalugu ataatsimiititaliaq isumaqarpoq Majoriap kingunerinik ersarissunik takusaqarnissamut piffissanngortoq.
- g) Innuttaasut Majoriami ingerlatsinermik iluaquteqarsinnaasorinangitsut allatut naleqqunnerusumillu ikiorserneqartariaqartut ataatsimiititaliaq isumaqarpoq. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.
- h) Tunngaviumumik isigalugu ataatsimiititaliaq isumaqarpoq Majoriamik aaqqissuussineq inuusuttut atuarfimmitt piginnaasassanik tunineqarsinnaasimangitsut ikiorserneqarnissaannut utaqqiisaasumik sakkussaasoq. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.

11.12 Konto pingaarneq 64.13.27 Ilinniartunut tapiissutit - Majoriaq

- a) Majoriami ingerlatat ataasiakkaat nalilerneqarnissaannut, taamaalillunilu ingerlatat pissarsissutaanissaannut, ingerlatani peqataasut najuuttarnerannik imaluunniit peqanngittarnerannik nalunaarsuisoqarpa?

- b) Majoriami ilinniartunut tapiissutininik tunniussinermut atatillugu ilinniartunut tapiissutininik pissarsiaqaannassagaanni ingerlatanut aalajangersimasumik peqataasimanisamik piumasaaqateqartoqarpa?

12. Suliassaqarfik 66 – 67 Aatsitassanut Ikummatissanullu Naalakkersuisoq

12.1 Konto pingaarneq 66.01.05 Pisortatigoortumik sularinninnerit isertitatigut matussusikkat

Qinnuteqaatit Naalakkersuisoqarfimmit sularineqartarnerat arriippallaarnerarlugu tusagsorsorfiit aqutigalugit naammagittaalliortuarnermut suna tunngaviua?

12.2 Konto pingaarneq 67.01.03 Geologimut pilerisaarinermullu suliniutit

- a) Siunnersuinermik sullississutit ullumikkut GEUS-imit pisiarineqartartut nunatsinnut nuunneqarnissaannik sulineq sumut killippa?
- b) Siunnersuinermik suliassat ullumikkut GEUS-imit pisiarineqartartut Geologimut Immikkoortortamit suliatigut aningaasaqarnikkullu qaqugu sularineqarsinnaalissasut naatsorsuutigineqarpa?

13. Suliassaqarfik 70 – 72 Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq

13.1 Konto pingaarneq 72.06.51 Inissianik tunisineq – ilanngaaseereerluni tunniussineq

Neqeroortitsinerup kingorna inissianik attartortittakkanik tunisineq pillugu suliassami kisitsisit annertuumik appariarfiusimasut, akerlianilli attartortumit piginnittumut aqqissuusineq naapertorlugu tunisinerit amerleriarsimasut ataatsimiititaliamit paasineqarpoq. Kisitsisit ineriartorsimanerannut tunngaviusoq aammalu illoqarfinni sorlerni tunisinissaq naatsorsuutigineqarnerasoq paasissutissiissutigineqassasoq ataatsimiititaliamit kissaatigineqarpoq.

13.2 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

- a) Ilangaaseereerluni isertitat ikileriarnerannut suna tunngaviua?
- b) Namminersorlutik Oqartussani taamatullu kommunini aningaasaliissutinit iluanaarutit naatsorsorneqartarnerat atorneqartarnerallu paasissutissiissutigineqassasoq ataatsimiititaliamit kissaatigineqarpoq.
- c) Inissiat attartortittakkat ataatsimut isigalugit ataatsimiititaliaq isumaqarpoq inissiamik attartornissamut utaqqisarneq sivisunerpaaffilerneqartariaqartoq aammalu inissiani attartortittakkani pisariaqartumik aserfallatsaaliuinissamut aningaasartuutissat inatsisitigut pisussaaffinngortariaqartut. Tamatumunnga Naalakkersuisut oqaaseqaateqarnissaat ataatsimiititaliamit kissaatigineqarpoq.

13.3 Konto pingaarneq 72.20.02 Kalaallit Nunaanni tv-kkut radiukkullu aallakaatitanik siammarterineq

Inatsisartut isumaqatigiinniarnersa nuna tamakkerlugu radiukkut aallakaatinneqartarnissaasa innuttaasunik sullissinermi KNR-ip Naalakkersuisullu naammassisassanik isumaqatigiissuteqarneranni ilanngunneqarnissaanut qanoq periarfissaqarpa?

13.4 Konto pingaarneq 72.20.07 Nakkutilliineq misissuinerlu, angallanneq

N 2016-imut sanilliullugu ilanngaaseereerluni aningaasartuutit ikileriarnerat sumik pissuteqarpa?

13.5 Konto pingaarneq 72.20.10 Usinik assartuineq

Ilanngaaseereerluni isertitat amerleriernerat sumik pissuteqarpa?

13.6 Konto pingaarneq 72.26.02 Mittarfeqarfii

- a) Akissarsianut aningaasartuutissanut sunniuteqanngitsumik sulisorisassatut naatsorsuutigisat qaffariaateqartut ataatsimiititaliap maluginiarpa. Tamatumunnga suna pissutaava?
- b) Ilaatigut nukissiuutunik pilersuineramik ingerlatat nuunnerisigut Mittarfeqarfinni aningaasartuutaasartunik ikililerinissamik sulineq aallartisarneqarsimasoq paasissutissiisutigineqarpoq. Suliaq tamanna sumut killippa?

14. Suliassaqarfik 73 – 77 Pinngortitamut Avatangiisinullu Naalakkersuisoq

14.1 Konto pingaarneq 77.01.02 Aatsitassanik Suliassaqarfinnut Avatangiisinut Aqutsisoqarfik

Naak suliassaqarfimmi annertunerusumik suliniuteqarnissaq kissaatigineqaraluartoq aningaasaliissutit allanngorsimanngitsut ataatsimiititaliamit maluginiarneqarpoq. Suliassaqarfup nukittorsarneqarnissaanik Naalakkersuisut pilersaaruteqarpat?

14.2 Konto pingaarneq 77.05.01 Eqqakkanut tunngasut, ingerlatsineq

Naak suliassaqarfimmi annertunerusumik suliniuteqarnissaq kissaatigineqaraluartoq aningaasaliissutit allanngorsimanngitsut ataatsimiititaliamit maluginiarneqarpoq. Suliassaqarfup nukittorsarneqarnissaanik Naalakkersuisut pilersaaruteqarpat?

14.3 Konto pingaarneq 77.05.02 Pinngortitaleriffik

Aningaasaliissutit amerliartuinnartut, tamatumalu peqatigisaanik Pinngortitaleriffiup ingerlati tutsuiginanngitsutut oqaatigineqartartut ataatsimiititaliamit paasineqarpoq. Tamanna qanoq paasineqassava?

14.4 Konto pingaarneq 77.05.03 Avatangiisit, uuliaarluernernik akiuineranut atortunik pisinermut tapiissutit

Illoqarfinni aqqaneq marlunni taaneqartuni atortut inuttallu naammattut Naalakkersuisunit isigineqarpat?

14.5 Konto pingaarneq 77.05.08 Avatangiisinut Aningaasaateqarfik

Aningaasanik agguataarinissaq kommuninut ataatsimoortumik tapiissutit isumaqatigiinniutigineqarnissaanni ilanngunneqassasoq Naalakkersuisut paasissutissiisutigaat. Assersuutigalugu eqqagassalerinermi immikkoortumut sanaartornermik pilersaarut naapertorlugu eqqagassanut suliassaqarfimmut tapiissuteqartoqartarpoq. Eqqakkanik ulorianartunik sularinnittarfiit, toqqorsivinnik nakkutigisaasunik pilersitsinissaq, anartarfilerineq ikualaaviillu matumani suliassaqarfittut pingaarutilittut ataatsimiititaliamit isigineqartut salliutinneqarput. Ajorluartumilli piffinni tamakku pigineqarunik ilaatigut atorsinnaassuseqarneq ajorput. Tamatumunnga suna pissutaava, kommunimmi tamatumunnga iluarsissutissanik tapiissuteqarsinnaammata?

15. Suliassaqarfik 80-89 Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq

15.1 Konto pingaarneq 83.30.12 Utoqqaat angerlarsimaffii

- a) Kommunit sanaartugassatut nalinginnaasumik kissaataasa kingulliit assilinerisa Naalakkersuisullu taakkununnga oqaaseqaataasa nassiunneqarnissaat ataatsimiititaliamit aallarniutigalugu kissaatigineqarpoq.

- b) Naalakkersuisut paasissutissiissutigaat siunissami tulleriarinermi tunngavigineqartussaq tassaassasoq kommunit susassaarfimmut immikkoortumut pilersaarutaat. Kommunit immikkoortumut pilersaarutaat qaqugu naammassineqartussatut naatsorsuutigineqarsinnaanersut Naalakkersuisut paasissutissiissutigisinnaavaat? Kommunit immikkoortumut pilersaarutinik naammassinninnissaannut siuarsaataasinnaasunik kommunit suleqatigalugit Naalakkersuisut iliuuseqarsimappat?
- c) Naalakkersuisut paasissutissiissutigaat utoqqaat angerlarsimaffiini inissat amerlinis-saat siunertaralugu pilersitsinermut sammisassaqtitsinermullu atugassanik qaffaa-nermi nalinginnaasumik 50 %-imik tapiissuteqartoqartartoq. Sanaartugassanik aallar-titsinissat pilersaarutaasut kissaatigineqartulluunniit ilaatigut sooq aallartinneqanngit-soortarnersut pillugu Naalakkersuisut naliliinissaat ataatsimiititaliamit kissaatigine-qarpoq.
- d) Utoqqarnut suliassaarfimmi inissat naammattut piginissaat ajornartorsiutaagaluttuin-artoq Naalakkersuisut naliliippat?

15.2 Konto pingaarneq 84.40.10 Kommunini atuarfiit

- a) Konto pingaarneq una naapertorlugu Maniitsumi Kilaaseeqqap Atuarfiani suliassaq aallartinneqarsimanersooq paasissutissiissutigineqassasoq ataatsimiititaliamit kissaati-gineqarpoq.
- b) Konto pingaarneq una naapertorlugu Kangaatsiami atuarfimmi suliassaq aallar-tinneqarsimanersooq paasissutissiissutigineqassasoq ataatsimiititaliamit kissaati-gineqarpoq.

15.3 Konto pingaarneq 84.40.14 Kulturimut timersornermullu atugassanik sanaartorneq
Pisariaqartitsinivik aningaasaliinikkut ersersinneqartoq Naalakkersuisut isumaqarpat aam-malu iluarsaanermut 50 % tikillugu tapiissuteqarneq naammappa?

15.4 Konto pingaarneq 84.40.15 Ilinniartut inaannik sanaartorneq
Ilinniartinnik nussuinissamik Naalakkersuisut pilersaarutaasa nassatarisaattut ilinniartut inissaat pisariaqartut sanaartorneqarnissaat qaqugu aallartinneqartussatut Naalakkersuisunit naatsorsuutigineqarpa?

15.5 Konto pingaarneq 84.40.17 Meeqqanik inuusuttunillu paaqqinnittarfiit

- a) Aningaasaliissutit ikileriarnerat kommunit aningaasaqarnikkut inissisimanerannik pissuteqarpa?
- b) Isumaginnittoqarfiup aqunneqarnera aaqqissuusaaneralu pillugit Inatsisartut peqqus-sutaat nr. 8, 10. oktober 1979-imeersoq kingusinnerusukkullu allanngortinneqartoq naapertorlugu isumaginninnermik sanaartukkanik ineriartortitsinissaq pillugu kaajal-laasitaq nr. 213-ip nutarternerqarnissaa Naalakkersuisut pisariaqarsoraat?

15.6 Konto pingaarneq 85.50.20 Takornariartitsinermi sanaartorneq

- a) Suliassaq nr. 120.72003-p, Ilulissat Kangiani takornarianut sullissiviup, peqataasunit (taakkununga ilanngullugu Real Daniमित) tamakkiisumik maanna aningaasaliif-figineqarneranut, taamaalillunilu aningaasaliissuteqaqqinnissamik pisariaqartitsiso-qannginneranut aningaasaliissutit ersiutaappat?
- b) Takornariat ornittagassaannut pilersaarutit allanngortinneqaratik ingerlaannarnersut paasissutissiissutigineqassasoq ataatsimiititaliamit kissaatigineqarpoq.

15.7 Konto pingaarneq 86.60.01 Peqqinnissaqarfik

Suliassaq nr. 996.47.051-ip, Peqqinnissaqarfinni atortorissaarutitut tunngasup, siunertaa itisilerneqassasoq ataatsimiititaliamit kissaatigineqarpoq. 2016-imi aningaasaliissutit qanoq amerlatigisimappat aammalu assersuutigalugu 2016-imi aningaasaliissutit sunik pisinermut atornerqarsimappat?

15.8 Konto pingaarneq 87.73.12 Umiarsualivinnut talittarfinnullu aningaasaliissutit

- a) Umiarsualivinnut pilersaarut pillugu Namminersorlutik Oqartussat tusarniaaffianni takuneqarsinnaavoq umiarsualivinnut pilersaarummi tunngavissat suleriaasissallu iliuusissanut pilersaarutitut, siunissami talittarfinni ataasiakkaani suliassanut eqqornerusumik nassuiaaffiusunut tusarniaanerup kingorna tunngaviliissasut. Naalakkersuisut tamatuminnnga suliarinninnertik sumut killipaat?
- b) Kangerlussuarmi nutaamik umiarsualiviliornissamat pilersaarutit aningaasanut inatsiissatut siunnersuummut matumunnga qanoq ilaatinneqarpat siunertamullu aningaasat qanoq amerlatigisut immikkoortinneqartussatut naatsorsuutigineqarpat?

15.9 Konto pingaarneq 87.73.20 Mittarfiit aaqqissuussaanerannik annertusaaneq

Mittarfinnik mikisunik sullissineq qanoq isikkoqartussatut Naalakkersuisunit takorloorneqarpat, taakkuninngalu sullissineq Canadami mittarfeeqqanik, assersuutigalugu qaammaq-quteqanngitsuni, sullissinermut sanilliuinneqarsinnaassava?

15.10 Konto pingaarneq 89.71.40 Nukissiorfiit, sanaartornermut taarsigassarsiaritit

Suliassaq 996.28.037-imut aningaasaliissutit ilaat qanoq amerlatigisut Nuup avataani atornerqartussatut naatsorsuutigineqarpat? Nuup avataani suliniutinut aningaasaliissutit sapinngisamik annertusarneqarnissaat qulakkeerniarlugu Naalakkersuisut qanoq iliuuseqarpat?

15.11 Konto pingaarneq 89.72.11 Nammineq inissianik tapiissutitalimmik sanaartorneq

Piffissaq taarsigassarsianik ernialersuiffiunanilu taarsersuiffiunngitsoq naagaangat tamatuma taarsigassarsisut aningaasaqarnikkut inissisimanerannut kingunerisartagai pillugit Naalakkersuisut qanoq misilittagaqarpat?

15.12 Konto pingaarneq 89.72.12 Inissialiassat taartissanillu inissialiortiterneq

- a) Suliassaq nr. 060.31.037-ip ataani iluarsaanermik suliassat pingaartumik neqerooruteqareernikkut neqeroorutigineqartarnissaannik paasissutissiissut itisilerneqassasoq ataatsimiititaliamit kissaatigineqarpoq.
- b) Suliassaq nr. 060.31.033-p ataani illuutit taaneqartut Kujallerpaani ilinniartunut inissiaanersut paasissutissiissutigineqassasoq ataatsimiititaliamit kissaatigineqarpoq.
- c) Konto pingaarnermut matumunnga tunngatillugu Nuummi Qaparfiusaami illuutit qanoq inissisimappat?

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutitut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.


Allakkiamut matumunnga akissut kingusinnerpaamik ataasinngornermi ulloq 25. september 2017, nal. 12.00 Aningaasaqarnermut Akileraartarnermullu Ataatsimiititaliamit tiguneqa-

reersimasussanngorlugu kalaallisut danskisullu kiisalu elektroniskimik saam@inatsisartut.gl-
imut nassiuteqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Ataatsimiititaliaq sinnerlugu

Med venlig hilsen



Jens Immanuelson
Formand for Finans- og Skatteudvalget